

Zeitschrift: Nebelspalter : das Humor- und Satire-Magazin
Band: 88 (1962)
Heft: 29

Rubrik: Wenn...

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 04.04.2026

ETH-Bibliothek Zürich, E-Periodica, <https://www.e-periodica.ch>

Güll, De kennsch mi...?

Vor sibezig Jahr isch Basel no glainer gsi. Me het enander no zimmelig guet kennt, mängmool scho an der Stimm und am Schwätze-n-aa. Me het sälbetsmool no vyl meh miese-n-uffbasse bim Intrigiere-n-an der Fasnacht, daß me-n-aim nit kennt. Aber me het derfir au vyl lychter syni «Opfergunde, will's in alle Wirtschafte Lyt gha het, wo me guet kennt het. E Basler Her – er isch derno speeter Regierigsroot gsi – isch emoole z'oobespoort haimko. In der Dalbenaalag isch sy Huus gstande. Aber wo-n-er vor em ysig Gatter stoht, wo sy Garte geege d'Aalag zue abgeschlosse het, do isch der Gatterschlüssel nit in sym Sack gsi. Er het lang kenne-n-in de Seck ummenanderfische. Sy scheene Huusschlüssel het nyt ghulfe-n-ohni der Schlüßel fir 's ysig Gatter.



Was isch em ibrig blibe? Eso gschickt as meelig het er's halt brobiert, iber sy aigene, scheene-n-ysige Gartehaag ibere z'gräasme. Uffeko isch er no ganz ordeli in die Heechi vo iber zwai Meter. Aber dert oobe het's derno eso brächtigi, stilisierti Lanzespitze gha. Er het grad studiert, wie-n-er ächt dert in der Heecheluft kennt kehren-und ibereko fir wider ääne-n-abe, wo-n-e Landjeeger – trapp, trapp – mit gmässene Schritt dur d'Nacht ko isch, grad uff syner Syte vo der Strooß!

Dä Landjeeger heert ebbis, blybt stoh, luuschderet und luegt uff: «So? Und was mache-n-Ihr dert oobe? Hm? Wo wänd-Er ane? Hä? Wänd-Er ächt augeblicklig abe ko? Wär sind-Er iberhaupt, wär?»

Do kunnt e bitzelig e verschrockeni, aber ainewäg no männlig-gfaßti Stimm uus em Dimber in der Heechi obe-n-aabe:

«Y bi der Heer Staatsawalt!»

Do het der Landjeeger zwai Finger ans Käppi glipt:

«Ah, derno isch's scho guet, Her Dokter. Guet Nacht, Her Dokter! Kemme Si guet haim!» Und isch wyter gloffe. Me het halt enander no kennt, scho an der Stimm aa. Und me het gwißt, wo d'Lyt wohne. Vor sibezig Jahr.

*

Hitte bassiere-n-au Gschichtli. Mängmool sinn si schier e bitzli druurig. E haimeligi Baslere verzellt mer:

Am Telephon bstellt si im Lädemli mit andere Sache zämme:

«Drey Pfund uouglossene-n-Anke.»
«Si maine-n-ygsottene Butter?»
deent's zruck.



Der Eisenplastiker:

«Lesly, heb dä Zauber fescht, süsch keit de ganz Bruch zäme!»


«Nai, nai», proteschiert unser Baslere, «y wott e kai ygsottene Butter. Uouglossene-n-Anke mecht y ha!»

Derno het si Lache gheert iber's Telephon. Aber der uouglossene-n-Anke isch gschickt worde. Me het si an der *Stimm* aa kennt gha.

Eso wyt simmer jetz, Daß Basler Maitli lache, Wenn d'Lyt uff Baseldytsch Im Lade-n-ihri Sache Verlange-n-und das nit Uff ... «Basler Hoochdytsch» mache!
Fridolin

Gefüllter Kabiskopf

Karl Kraus meinte: In einen hohlen Kopf geht viel Wissen. -r-



Wenn Ihr Geruch und diese gewisse Aura, die jedes Wesen um sich hat, dem Hund gefallen, sind Sie sofort und für immer in Gnade aufgenommen. ● Elle

Wenn Hunde reden würden, könnte es peinlich sein. Vor allem für den Menschen. ● Kleiner Hunde-Knigge

Wenn sich alles zusammenschließt, warum nicht auch die Hunde? ● Der Bund

Zur Genfer Abrüstungskonferenz

Man tagt und tagt, und mancher fragt sich im Geheimen still, wann es wohl endlich tagen will. fis

Durch die Nase gesprochen

Jeder Mensch, behauptete Lessing, hat seinen eigenen Stil, sowie seine eigene Nase, und es ist weder artig noch christlich, einen ehrlichen Mann mit seiner Nase zum besten zu haben, wenn sie auch noch so sonderbar ist. -r-